





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5227/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5227/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5227/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5227/A

1836 (3)
f DE NO=

VO ET VETERI

HOMINE.

INSTITVTIO VERB


*Christiani hominis, compens
diosa & utilis.*

Galat. 6.

IN CHRISTO IESV NE-

*que circumcisio quicquam ualet, neq;
præputium, sed noua
creatura.*

2



DE NO

VO ET VETERI HOMINE.

IESVS Christus Dominus & Saluator noster Mat. 18. Querentibus discipulis, Quis maximus esset in regno cœlorum, accersit ad se puellum, statuit in medio eorū, & dixit: Amen dico uobis, Nisi conuersi fueritis, & efficiamini sicut paruuli, non ingrediemini in Regnum cœlorum. Quisquis igitur humiliauerit semetipsum sicut puellus iste, hic est ille maximus in Regno cœlorum.

Et cap. 19. ait: Regnum cœlorum esse eorū, qui pueris similes, & tales sunt ut pueri.

Item Mar. 10. Luc. 18. cap. Quicumque non receperit regnum Dei uelut puer, non intrabit in illud. & c.

Quibus equidem oraculis, haud obscure significauit Carnem omnē quantumuis ætate, doctrina, sapientia, uirtutēq; institutis perfecta sit, cœlo indignam esse, & minime aptam, nisi conuertatur, repuerascat, & rursus in Christo paruula fiat & humilis, ut ita regnum Dei nō aliter quam quod paruula sit accipiat, & ingrediatur. Et nisi carnis uetustas, spiritus nouitate induatur in hominibus, omnes carneos

A. ij.

per

ermanfuros, & regno coelorum indignos.
Denique Christianum populum non nasci in
carne, sed post natiuitatem in carnem, nouo
partu & enixu, in spiritum renasci & rege-
nerari per Christum oportere.

Omnis caro gramen, & omnis gloria eius
quasi flos agri. Exiccatum est gramen, & cea-
cidit flos. 1. Pet. 1. 1. Io an. 5. Omne quod natū
est ex Deo uincit mundum. Et hæc est uictoria
quæ uincit mundum, fides uestra. Quis est qui
uincit mundum, nisi qui credit quod I E S V S
est filius Dei?

Iam igitur in homine duplex creatura an-
notetur, Noua & Vetus. Vetus ex Adam, No-
ua in Christo. 2. Corint. 5. Proinde, Si quis in
Christo est, noua creatura est, uetera præterie-
runt. Galat. 6. In Christo Iesu neque circuncis-
io quicquam ualet neque præputium, sed no-
ua creatura.

Duplex est enim Homo.

VETVS ET NOVVS.

VETVS, est stultus, Ignorans Dei, cæcus,
mortuus, Hypocrita, ambulans in tenebris se-
cundum carnē, ouis sine pastore, filius iræ, alie-
nus a Deo & dei uita, conuersatio eius est in
concupiscētijs carnis, sub principe mūdi, deo-
quēhuius seculi, in regno tenebrarum, pecca-

IOANNES D.
tor est, damnatus, scortator, fur, adulter, mollis
1. Corint. 6. Avarus, maledicus, ebriosus rapax, & cæt. Sed abluitur, sanctificatur, & iustificatur, hoc est, innouatur, in nomine domini Iesu, & in spiritu Dei nostri, ut deinceps seruiat iustitiæ, & non iniquitati ad iniquitatem. Romano. 6.

NOVVS homo, omnia contraria habet, domesticus est Dei, plenus Deo, habitaculū Dei per spiritum & c. Ex veteri enim renascitur nouus, & imago ueritati conformatur. Homo est propter Christum in eo Nouus, ob spiritum Dei.

Est Homo externus, Internus, Animalis, Spiritualis. Vt 1. Corin.
2. testatur Paulus.

Habet caro suam sobolem Dei opificio. Habet quoq; Deus filios Dei per Deum, Dei opificio. Infidelis caro & peccatrix, peccati autor est & propagatrix. Deus per spiritum suum filios dei gignit, Ac quæ dei sunt, Deus auget ac multiplicat.

Item Homo carnis & Homo cordis gignitur e carne, carneus homo, in ordinem creaturarum.

Spiritualis gignitur e spiritu, in ordinem
A. iij. filio

filiou Dei, & ad bona opera, ad quæ præparauit nos Deus, ut in eis ambulemus. & c. Ephesi. 2. In animam gignitur Vetus, In spiritum Nouus.

Hinc corpus aimale, & corpus spirituale. Non primum spirituale, sed animale, postea spirituale. 1. Corint. 15.

Corpus peccati, mortis, carnis, coram Deo exuitur, dum Nouus homo renascitur, ut non sit amplius mortis corpus, quamuis mortale, sed iustitiæ, uitæ & sanctificationis.

Homo Vetus, ex carne & anima, id est, ex sola natura constat.

Homo Nouus, caro est & Spiritus Dei, id est, natura & gratia.

Duæ naturæ in una persona, Caro & Spiritus Dei, nouum hominem conficiunt. Siue ut 1. Tessal. 5. Spiritus, anima, & Corpus, 1. Corint. 6. Glorificate iam Deum in corpore uestro, & in spiritu uestro, quæ sunt Dei.

Homo uetus e carne nascitur, & caro totus est, e terra terrenus, ex Adam ipsius successor & hæres.

Nouus, spiritu renascitur & spiritualis est, e cælo cælestis. ex Deo diuinus, Dei hæres, & Christi cohæres.

Nascitur in carne filius noctis & tenebrarum. Renascitur per spiritum, filius lucis &

IOANNIS P
diei. Omnes uos filij lucis estis, ac filij aiei.
1. Thes. 5. 1. Ioan. 2. & c. Ex non populo, fit
populus Dei. 1. Pet. 2. Lapides uiui. Roma. 5.
Filij promissionis. Ioan. 1. Qui non ex sangui-
nibus, & c. sed ex Deo nati sunt.

Ex Deo nascitur nouus homo, habens pa-
trem Deum, & fratrem Iesum Christum in
uno spiritu. Exempli gratia. Si rudem docue-
ris, si ex Rustico Rethorem aut ciuem feceris,
ex stolido prudentem. & c. iam alius est,
non foris, sed intus. Iam intus doctus est, peri-
ritus & rethor. & pro tali etiam foris, non
pro ueteri deinde agnoscitur. Sic de Consu-
le, Rege. & c.

Christus eternus Dei filius, Deus est &
homo. Atque is ex gratia patris, carni sese
offert, suumq; & Patris Spiritum impertiens.
Ioan. 14. Ad eum uenimus, & mansionem
apud eum faciemus. & c. Carni de suo addit
quod diuinum est, atq; e carne carnea & ter-
rea, spiritualē ac cœlestem recreat creaturā.
Nouum inquam hominem & Christianum,
1. Cor. cap. 1. Ex ipso autem uos estis in Iesu
Christo. Eph. 5. Ex carne eius, & ex ossibus
eius. Ex homine homo, ex Deo, Deus & ho-
mo nascitur. Sicut sol radium suū in tenebris
emittit, & in ipsis luce sua, nouam speciem
producit.

A. iij.

Ita

Ita lux uera in tenebris lucens, filios Dei
facit, quotquot eam recipiunt. Ioan. 1.

Renascitur ex aqua & spiritu. Nisi enim
quis renatus fuerit e supernis, non potest ui-
dere regnum Dei. Ioan. 3.

Quos uero gignit superna natiuitas, etiā
suis aquis rigat & abluit, dum carnem spiri-
tu uiuificante perfundit ac inungit. Hinc ri-
uus quo cor immundum purificatur deriuari
incipit, Quando inquam, lauacro regeneras-
tionis & renouationis spiritus sancti mentes
& corda infideliā purgantur. Atq; ut dictum
est, Vetusitas in nomine Iesu abluitur, & san-
ctificatur & c.

Vide autem quanta sollicitudine & dili-
gentia Christus Ioan. 3. Nicodemum hominē
ueterem de Renascentia Noui hominis eru-
diat. Simulq; Ioan. 9. Illuminaturus cecum
natum, luto sputi suae carnis, oculos caeci pers-
ungit, mox ad aquas Siloa mittit. Ex quibus
ille lotus cecitatem cum luce commutauit.

Eandem autem etiam aquam, nouus par-
tus & infans recenter spiritu progenitus, to-
ta uita bibit, hanc etiam dat Christus, Atq; eo
fit, ne quis sitiat in aeternum. Quoniam aqua
quam dat Verbum Patris, fit in eo fons aquae
salientis in uitam aeternam. Ioan. 4. Præterea
hac aqua, quam diu uiuit pedes lauat. Ioan. 13.

Ergo

IOANNIS P.
Ergo ex auditu & conceptu interno uer-
bi Dei, deponitur uetus conuersatio. & cor-
rumpi incipit uetus homo iuxta concupiscen-
tias erroris, & renouatione mentis nostræ,
induitur nouus homo, qui iuxta Deum condit-
us est in iustitia & sanctitate ueritatis Eph.
4. Rom. 6. Atq; ista est conuersio peccatoris
quam uult Deus Ezech. 18. quum dicit: Con-
uertimini, & agite pœnitentiam ab omnibus
iniquitatibus uestris.

Deus pater, per uerbum suum creat uetes-
rem creaturam & hominem, atq; idem ex mi-
sericordia & multa charitate uocauit, ele-
git prædestinauit. benedixit, & glorificauit E.
nouum hominem per Iesum Christum, secun-
dum beneplacuum uoluntatis suæ. Eph. 1 & sti
Rom. 8. Et cum illo uiuificauit, conresuscita-
uit, & sedere fecit inter coelestes, in Christo
Iesu. & c. Ephes. 2. In laudem gloriæ ipsius,
ex bonitate erga nos, per Iesum Christum. & c.

Iamq; non solum creator, est noster, sed
& pater factus est per Iesum Christum. & c.

Christus quoq; dei filius, cum patre per
communem spiritum, in carne redimit, repa-
rat, expiat, ac plane recreat nouo opificio,
hominem & carnem, spiritualemq; facit. ut
membrum suum esse ualeat in deo, ex homi-
ne diuinum, & dei filium faciens.

male

Ergo per Christum Dei Patris uerbū in car-
natū, carni impię, mortuę, dānatę & maledi-
ctę, infunditur cœlestis lux, dei sapiētia, iusti-
tia, ueritas, sanctitas æterna, quę est Christus.

Seminis æterni granum, cordi hominis in-
dit Deus, quo deinde homo crescat, & in ui-
rum in Christo adolescat, suę naturę diuinę
participem facit carnem Deus, per & pro-
pter Christi carnem, radium ei suo sole tene-
bris hominum immittit, nouumq; hominem in
Spiritu sancto regenerat. Non enim carnales
aut secundum carnem homines sunt filij Dei.
Neq; oīm pater est, quorum creator est Deus.

Porro fide in Iesum Christum uerbum Dei
patris incarnatum in corde ueteris hominis,
secunda natiuitas peragitur, fide inquam in
Christum, qui ascendit in cœlum ad dexteram
Dei profectus. 1. Pet. cap. 3. Quiq; descendit e
cœlo, ut per ipsum reconciliarentur cunęta,
pacificatis per sanguinem crucis eius per eun-
dem, siue quę in terra sunt, siue quę in cœlis.
Collos 1. Dum ad instar aenei serpētis, in cruce
exaltatus est, & traditus est propter delicta
nostra, resurrexit propter iustificationem nos-
tram. Ioan. 3. Rom. 4. Semper autem in cœlis
fuit implens omnia.

A fide in Christum, factum pro nobis pecc-
atum. 2. Corint. 5. & maledictum. Galat. 3. Et
qui

IOANNIS P.
qui deleuit Chirographon, quod erat contra-
rium nobis per decreta, & illud sustulit e me-
dio, affixum cruci. Collos. 2. incipit uetustatis
abolitio, & noui foetus conceptio.

A morte Christi, cruce deniq; & uictoria
mortis & peccati abolitione, initium est fidei,
& initium iustitiae Dei, in iniustitia & infide-
litate uetustate. &c.

Quemadmodum autem matres pueros ad
sepulchra parentum, aut parta trophaea perdu-
cunt, ita hunc puerum recte ad Christum crucifixum,
mortuumq; & sepultum pro peccatoribus, pri-
mum duxeris. Ibi enim moritur peccatum ue-
teris Adae, cōcrucifigitur corpus peccati, mors
moritur, peccatum aboletur, gratia & remis-
sio paratur. Nam cum uetus homo iam ante
natus sit atq; educatus, uiuat uita animae, quan-
tum uis intus mortuus, & damnatus, recte male
uiuentē, ad crucē & mortē Christi adduxeris,
qua haec oīa in melius instaurata & pacata
sunt, quae mala sunt, & Deo displicēt. Vt etiam
uetus moriatur, ad mortuū pro se, perducitur.
Vt uetustas sepeliatur & exuatur, ad sepultū
pergit. Moxq; deinde cū resurgēte resurgat,
& conuiuificetur spiritu, nouā uitā induat,
nouū hominē cū Christo uiuēte uiuat, & Chri-
stum autorē uitae, referēs in dies singulos, ad
ipsius imaginē effingatur a gloria in gloriā.
Etenim

Etenim quando caput corporis ecclesie
sue Christus, mortuum est, commortua sunt
et cum eo membra omnia, Imo, pro omnibus
membris, mortuum caput est.

Quando etiam uite redditum caput, con-
uiuificata sunt membra omnia cum capite.
Non prius autem hæc Capitis beneficia ad
quosuis pertingunt aut pertinent, quam fide
in corpus uiuum cum capite, inseruntur fidei
lia membra, et coaugmentantur. Eph 4. Col. 2

Christus sane a cruce et morte, potissimum
prodest, Mortuus enim uiuificat, Crucifixus
glorificat, exaltatus in crucem, omnes ad se
trahit et exaltat, Resurgens regnat et con-
uiuificat, id est peccato mortuus, peccatum
semel abolet. Inferos uincit. Maledictionem
col tollit, Benedictionem profert et saluat.

Iure igitur huc adducitur homo innouan-
dus. Et Vetus cum crucifixo in crucem figa-
tur, cum moriente moriatur, et consepiliatur,
et cum resurgente Victore, iam uitam assu-
mat, non obnoxiam peccato, aut carnalem seu
mortuam, sed spiritu uiuificetur, deposita,
quantum ad conspectum Dei attinet, tota ue-
tustate et corpore peccati.

Moritur enim uetus homo coram Deo, sed
non statim mortuus est sibi, neque statim mundo
sepelitur, sed in carne, ut charitatē exerceat,

IOANNIS P.
Pro Dei gloria ad iustum incrementum res
linquitur, commori tum sane incipit, donec to-
tus moriatur. Eph. 2. Conuiuificauit nos una-
cum Christo. & c. Rom. 6. Quotquot baptisa-
ti sumus in Christum Iesum, in mortem eius
baptisati sumus. & c.

Sic quoq; sanctificatur uetus homo, per R-
oblationem corporis Iesu Christi semel pera-
tam. Heb. 10. Per quem habemus redemptio-
nem per sanguinem ipsius. Eph. 1. Condonans
nobis omnia delicta. Collos. 2.

Inde factum est, ut Christus crebro suam
passionem discipulis inculcarit, & Ioan. 12.
dixerit: Nisi granum frumenti deiectum in
terram mortuum fuerit, & c. Quum autem mor-
tuum fuerit, multum fructum adfert.

Ideo ad hos fructus maturos, & ad hunc
paradisum inducitur uetus homo, ut gustu no-
uorum fructuum, id omne mali in bonum uer-
tatur, quod uetitus parentum esus inuexit in
carnem. & quod praeterea carnem & uete-
rem creaturam consequitur. Paulus etiam
1. corint. 1. praedicat Christum crucifixum. Et
1. corin. 2. non iudicat se quicquam scire in-
ter Christianos nisi Iesum, & hunc quidem
crucifixum. Praeterea creberrime Christi cru-
cem & mortem in Epistolis suis repetit. Sum-
mam uero Euangelij. 1. corint. 15. complexus,

Tradidi

Tradidi inquit, uobis, quod & acceperam,
quod Christus mortuus fuerit pro peccatis
nostris. Christum, Christum, mortuum pro pec-
catis prædicat & c.

Petrus etiã Act. 2. Iesum Nazarenũ, & c.
crucifixum interemistis. Item Acto. 3. Deus
Abraham, Isaac. & c. quem uos tradidistis ac
negastis in conspectu Pilati. & c. Eodem cap.
Autorem uitæ interfecistis, quem Deus susci-
tauit a mortuis. & c. Et ca. 4. Per nomen Iesu
Christi Nazarenĩ, quẽ uos crucifixistis, & c.

Item .1. Pet. 1. Per resurrectionem Iesu Chri-
sti ex mortuis.

Deniq; .1. Ioan. 4. Filium suum unigenitũ
misit Deus in mundũ, ut uiuamus per eũ. & c.
Item. 5. Vita æterna in filio eius est. Item ca. 1.
Sanguis Iesu Christi filij eius. & c. Item ca. 2
Aduocatum habemus apud patrem. & c. Et
ipse est propitiatio pro peccatis nostris. Opor-
tuit namq; Christum pati, & resurgere tertia
die. & c. Et prædicari sub nomine eius poeni-
tentiam & remissionem peccatorum. Luc. ult.
timo. Vt quotquot confessi fuerint ore suo do-
minũ Iesum & crediderint, quod Deus illum
excitauit a mortuis, salui fiant. Romano. 10.
Quoniam qui adheret Domino, unus spiritus
est. 1. Corint. 6.

IOANNIS P.
PARAENESIS.

Itaq; toto studio, & ante omnia prædican-
dus est Christus crucifixus, mortuusq;. Et qui
resurrexit, iam nunc sedens ad dexteram Pa-
tris. Ad crucifixumq; pellicendi sunt omnes
homines. Hic enim discent cur mortuus fu-
erit Christus, cur pro se, nempe quia dam-
nati ipsi & peccatores, mortui, maledicti,
Discent peccati malitiam, pro qua mortuus
est Christus, Terrebuntur cognitione pec-
cati, propter quod tam horrendam mor-
tem crucis obierit Chri-
stus. Discent quid peccatum. & c. Atque
huc pertinet officium spiritus reuelantis
peccatū. Discent amare Christum, quales
fuerint sine Christo, aut essent sine illo,
quales per illum facti sunt. Quantum
beneficiorum Christus in peccatores im-
penderit, quam amarit perditos etiam.
& c. Nam simul morbum, simulq;
medicum atq; pharmacum in cruce &
morte Christi inueniunt peccatores.

VENI M VERO DE NOVI

hominis conceptu, partu & uita,
agedum pluribus agamus.

SE MEN, quo foetus nouæ creaturæ in
homine formatur, uerbum dei est. Iaco. 1. Sua
uoluntate edidit nos sermone ueritatis ut
simus nos initium aliquod creaturarum eius.
Et ubi Nouæ creaturæ primordia. Ibidem.
In mansuetudine suscipite insitum sermonem
qui potest saluare animas uestras. 1. Pet. 1. Re-
generati ex semine immortali, per uerbum dei
uiuentis & manentis in sæcula. Et deus pater
secundum suam magnam misericordiam, re-
generauit nos in spem uiuam & c. Ephes. 2.
Ioan. 1. Thes. 1. Accepistis non sermonem homi-
num, sed sicut uere erat, sermonem dei, qui &
agit in uobis credentibus. Luc. 8. Parabola
seminis, id est, uerbi dei. Mat. 13.

M A T E R, est gratia dei, atque spiritus
Christi, Deniq; uiscera Iesu Christi. Galat. 4.
Quæ sursum est Hierusalem, quæ est mater
omnium nostrum.

V T E R V S, est sinus cordis, & caro in
qua nascitur, crescit & habitat nouus homo.

O S S A & neruos, ex interno robore spi-
ritus accipit, secundum efficaciam internam
fortitudinis spiritus, & inhabitantis Christi,
Eph.

IOANNIS P.
Ephesi.3. Vt fortitudine corroboremur per
spiritum suum in internum hominem, ut inhabi-
tet Christus per fidem in cordibus uestris.

NASCITVR, Deo patri filius & hæ-
res per Christum, Christo frater & cohæres.
Renasceatur inquam in carne, ad imaginē &
similitudinem Dei. Coloss.3. Qui renouatur
ad imaginem eius qui condidit illum. 1. Ioā.3.
2. Cor.15. Quemadmodum portauimus ima-
ginem terreni. &c.

PVER EST, Mox infans, adolescit po-
stea, deinde uir perfectus in Christo euadit.
Crescit in puerum, crescit de fide in fidem,
fitq; in dies singulos salus sua propior quā
cum crediderit. Rom.13.

ADOLESCIT, ut possit in eo reuela-
ri uita Christi & cognitio. 2. Cor.4. Christo
lapidi angulari superædificatus, crescit in tem-
plum sanctum in domino, & habitaculum Dei
per spiritum. Ephe.2. & 1. Pet.2.

Gratia & pax in illo multiplicantur. 1. Pe-
tri.1. Quo autem magis externus homo cor-
rumpitur cruce & afflictione, hoc amplius in-
ternus renouatur de die in diē. 2. Cor. cap.4.

RENATVS, Lauatur, Lauacro regenera-
tionis, Tit.3. ut iustificati illius gratia. Et.2.
Purificauit sibi populum peculiarem & cat.
Ephe.5. Christus dilexit Ecclesiam, &c. ut il-

B

lam

lam sanctificaret, mundatam lauacro aque
per uerbū dei &c. Aspergitur sanguine Chri
sti. 1. Pet. 1. Hebr. 12. Reconciliati sumus Deo
per mortem filij eius. Roma. 5. Qui peccata
nostra ipse pertulit in corpore &c, ut iustitiæ
uiuamus. 1. Pet. 2. Abluitur, sanctificatione spi
ritus in obedientiam.

Huc spectat Baptismus, & tota mors uetu
statis, & quicquid ad innouationē in Christo
commodum est. Colos. 2. 1. Petri. 3. Ephesi. 5.
Tit. 3. Rom. 6. 1. Corint. 5. sed abluti. 1. Corint.
12. In uno spiritu omnes, in unum corpus ba
ptisati. &c.

Cibo grandescit Puer.

CIBATVR, Esuriens & natus ac lo
tus, antea tamen, lacte & melle, quam diu par
uulus est. 1. Corint. 4. 13. Hebr. 5. 1. Petri. 2.
Quasi modo geniti infantes lac rationale, &
quod dolum nescit &c. Enutritur in sermo
ne fidei & sanæ doctrinæ. 1. Timo. 4. Christus
in illo crescit &c. Mox ad adipem frumētū &
panem cœlestem perducitur, ut corpore Chri
sti & suo sanguine saturetur. Solidus est iste
cibus, uidendum; quando, & quibus, & in
qua ætate conueniat. Baptisatis, Innouatis,
& spiritualibus cōmodus est iste cibus. Quæ
ad Cœnam dominicam, & animarum pabula
attinent, hunc locū habent, & uendicant 1. Co
rins

vinthiorum. 10 & 11.

Induitur & uestitur. Totus ornatus noui hominis est Christus. Rō. 13. Luc. 15. 1 Ioā. 2. Sitis induti tanquam dilecti dei. Col. 3. Nam etiam foris prodit se nudum non esse, dum bonis operibus, fidem internam declarat & ornat. Succincti lombos mentis uestrae. 1. Petri. capit. 1.

Indutus arma lucis. Rom. cap. 13. Item Gal. 3. Quicūque baptisati estis, Christū induistis.

FILIVS est Dei, Romano. cap. 8. Hebr. 2. 1. Ioan. 3. Galat. 4. Ioan. 1. Dedit eis potestatem, filios dei fieri. & c.

Frater est Christi, Hebræor. 2. Matth. 12. Quisquis fecerit uoluntatem patris mei. & c. Heres Dei, & coheres Christi. Rom. 4. & 8. Galat. 4. Vetus homo seruus est peccati, neq; manet in domo. Ioan. 8. Galat. 3. Omnes enim filij dei estis, eo quod credidistis Christo Iesu.

Docetur, Patri tractu ad Christum uenit, Erunt enim omnes docti a deo Ioan. 6. Et omnis qui audiuit & didicit a patre. & c. Qui ex deo est uerba dei audit, Ioan. 8. Dat deus leges suas in mentem eorum, ut omnes cognoscāt eum a minimo usq; ad maximū. Heb. 8. Inscribitur Euangelium in tabulas cordis carneas per spiritum. 2. Corint. 3. non atramento, sed spiritu dei uiuētis. Hinc noua & spi

B. ij.

ritus

Spiritualis in eo nascitur sapientia & prudentia, de qua saepe Paulus, Nouus affectus. Ro 8. ut spiritualia spiritualiter comparet, & spiritualibus accommodet. 1. Corint. 2. Qui secundum carnem sunt, quæ carnis sunt sapiunt. Qui secundum spiritum, quæ spiritus sunt curant. Roma. 2. Animalis homo & spiritualis. 1. Co. 2. ut supra.

Hinc quoque alij oculi. Ephe. 1. Illuminatos oculos mentis uestre. Alij dentes 1. Pet. 2. Si quidem gustastis quod benignus sit dominus.

Cognoscit iam mentem domini, quia uobis reuelauit Deus per spiritum suum. 1. Corint. 2. Et Christum factum nobis a deo sapientiam, Iustitiam, & redemptionem, intelligit. 1. Cor. 1. Luc. 5. Nouum mustum, in utres novos, fundi iubet Christus.

Iam utique ex hoc fonte scaturiunt riui spiritualis iudicii & cognitionis, ut dicamus cum Paulo. 2. Corint. 5. Itaque nos post hac neminem nouimus secundum carnem: porro etiam, si cognouimus secundum carnem Christum, nunc tamen non amplius nouimus.

Quamuis uero interne, Deus propter Christum, per spiritum sanctum doceat ac formet, utitur tamen etiam externo ministerio, spiritualium ministrorum, qui cooperarii dei sunt, Coagricultores & coarchitecti, qui suam pro-

IOANNIS D.
lem instituant, portent in utero, alant, doceant,
effingant, lauent, cibant, educant, &c. 2. Cor.
3. Ministri spiritus noui Testamenti, non lites
rae, sed spiritus. precones uerbi dei, & tota di
spensatio ministrorum dei, hic pertinet. 1.
Corint. 4. Ego Plantaui. &c. Dei agriculatio
estis. 1. Corint. 3. Quamuis multos paedagogos
haeatis in Christo, non multos tamen patres.
In Christo Iesu per Euangelium ego uos ge
nui. 1. Corint. 3. 2. Corint. 3. 4. Ephe. 4. Gal. 4.
Filioli mei quos iterum parturio. &c. Pascunt
isti quantum in ipsis est, gregem Christi. 1. Pe
tri. 5. Rom. 10. Varia dona habent secundum
datam gratiam. Rom. 12. Ephe. 4.

Tales ministri spiritualibus spiritualia dis
ferunt discipulis. 1. Corint. 2. Et sapientiam in
ter perfectos loquuntur. Carnalibus autem
ea annunciant, quae deceant infantes, qui lacte,
non solido cibo, alendi sunt. 1. Corint. 3. Heb.
5. 5. Habent potestatem in edificationem. 2.
Corint. ulti. Versantur cum omnibus, tanquam
pater cum filiis, & placidi sunt in medio eor
um: quos docent, perinde atque nutrix, fouet fi
lios suos. 1. Tassa. 2.

Accerseri huc possunt oia quae de Minis
tris uerbi, doctoribusque scripta sunt, uita &
doctrina Apostolorum, ac totius doctrinae Dei
officia, denique Catechismus.

LIBER est, a metu mortis per Christū, qui
carni & sanguini communicauit. Heb. 2. Li-
ber a peccato. seruit autem iustitiæ dei. Rom.
6. 7. Liberatus per Christum ab ira uentura.
1. Tes. 1. Colo. 2. Etiam ab elementis mundi,
nam non est ciuis mūdi, sed coeli. Colo. 2. Huc
referenda esset seruitus libertatis in charita-
te. 1. Corint. 9. & 13.

HABET arrabonem spiritus 1. Ioan 2. Ex
hoc agnoscimus quod in eo manemus, & ip-
se in nobis. 1. Corint. 5. 1. Timot. 1. Quod
qui parauit nos in hoc ipsum deus &c. 2. Co.
5. Hinc est robur fidei, hoc succo crescit, &
impinguatur noua creatura. Hinc certus est
se diligi a deo. Rom. 5. 1. Corint. 5. 2. Corinth.
1. 5. atq; hæc est unctio, quæ docet omnia. 1. Io-
an. 2. Qui spiritu dei aguntur, & sunt filij dei.
Rom. 8. Designati estis spiritu promissionis.
&c. Ephesiorum. 1.

OPERATUR BONA OPERA.

Sabbatum agens a pristinis suis erroris
& cecitatis operibus. Heb. cap. 4. Summa ope-
rum est charitas, nullo nō loco in scriptura cō-
mendata & necessaria. Alios etiam prouocat,
ac eā in hostes exercit. Heb. 10. 1. Tes. 4. 1. Pet.
4. mortificat membra terrea. Col. 3. Exiit ue-
terem hominem magis atq; magis, & induit
nouum, qui renouatur in agnitionem secun-

IOANNIS P.
dum imaginē eius qui condidit illum. Ephe 4
nemini est offendiculo. Phil. 1. 2. Irreprehen-
sibilis in medio nationis prauæ, conditus ad bo-
na opera ad quæ preparauit nos deus, Eph. 2
Quin manibus quoq; proprijs operatur. 1. Tes.
5. Ephesiorum. 4.

ORAT, Adorat patrem in spiritu &
ueritate. Ioan. 4. Spiritus in illo orat. Rom. 8.
postulat a deo omnia, Iaco. 1. petit secundum
uoluntatem dei, & exauditur. 1. Ioan. 5. tem-
plum etiā est inhabitātis dei. 2. Corin. 9. Quin
ipse templum est, quod ut Deus edificat, ita
in eo solo habitat. 1. Pet. 2. uiui lapides, & sus-
perstruamini domus spiritualis. &c.

DVCIT VXOREM IN DOMINO.

Inter omnes siquidem honorabile coniugi-
um. Heb. ult. Ephe 5. gratiæ sociam & cohæ-
redem. 1. Petri. 3. Abstinet a fornicatione, &
possidet uas suum cū sanctificatione. 1. Tes 4.
Non fornicatur. 1. Corint. 7. Corpus habet nō
scorto, sed domino. 1. Corint. 6. Nam & Pe-
trus, 1. Pet cap. 3. Ornatum muliebrem ait esse
absconditum cordis hominem in incorruptio-
ne. & cetera. Galat. 3. Non est Iudæus neque
Græcus, non est masculus neque fœmina, om-
nes enim uos unū estis in Christo Iesu.

Huc pertinent Nuptiæ & Matrimoni-
um in domino, in typum Christi & Ecclesiæ.

B. iij.

Eph

Ephe. cap. 5. Item. Col. 3.

PEREGRINVS EST IN MVNDO.

Sua conuersatio est in cœlis, ut Philip. 3.
Habitat in terreno habitaculo. 2. Corint. 5.
Non habet hic manentem ciuitatem Heb. ult.

REX EST ET SACERDOS
in Christo.

Offert spirituales hostias. Rom. 12. Heb.
cap. ult. 1. Pet. 2. Ereptus e regno tenebrarū.
Col. 1. 1. Ioan. 3. Translatus de morte ad uitam
accepta abundantia gratiæ & doni iustitiæ,
regnat per Iesum Christum. Roma. 5. ha-
betq; aditum per sanguinem Iesu, in sancta
sanctorum. Heb. 10. Ephe. 3. Per illum habe-
mus aditum. Ephe. 2.

CONFORMIS redditur imaginis filij dei.
Philip. 3. Rom. 8. 2. Corint. 3. ut cum apparue-
rit, similes Christum simus. 1. Ioan. 3. ad eādem
imaginem transformamur a gloria. & cæt.
Corint. 3.

MEMBRVM est corporis Christi, Chri-
stus caput. Collossen. 2. 1. Corint. 6. & 12. Vos
estis corpus Christi, & membra ex parte. Ro.
12. Ephe. 5. Membra sumus corporis eiusdem
ex carne eius. 1. Corint. cap. 6. Qui adhæret
domino, unus spiritus est.

Hinc Ecclesia congregatur in uno spiritu
Rom. 12. Ephe. 2. Vnum corpus & unus spiri-

IOANNIS D.
tus. 1. Corint. 10. Vnus panis & unum corpus, co
ut sitis noua conspersio. 1. Corint. 5. ut sitis inte co
grum corpus. 1. Corint. 1.

VITA eius abscondita est per Christum sic
in deo. Collos. 3. Vocatusq; est per Euangeliū
in acquisitionem gloriæ domini nostri Iesu
Christi. 1. Pet. 4. Iam non in concupiscentys ho
minum ambulat, sed in uoluntate dei, quod su
per est in carne tempus uiuit. Ambulat ita ut
dignum est uocatione. Ephe. 4. Viuit in spe
filiorum dei, quæ est ipsius anchora. Hebr. 6
In sanctitate, Hebr. 12. Gloriatur in spe acqui
sitæ redemptionis. Gloriatur in tribulatione.
Rom. 5. Spem fixam habet in deo uiuente, qui
est seruator omnium. Timothe. 4. Sub cruce.
Hebræorum. 10.

Adiunge quæ de cruce, passionibus, affli
ctionibus, persecutionibus, uinculis, patientia,
longanimitate colligi possunt. Imo, tota uita
crux est, & mortis expectatio. Iac. cap. 1. Com
patitur, ut conglorificetur. Ouis destinata ma
ctationi. Rom. 8. Collo. 1.

In carne ambulat, sed non secundum car
nem, spiritu enim dei agitur. Galat. 5. Ambulat
in nouitate uitæ, Ro. 6. Iustus est, uiuit in fide
Rom. 5. Ambulat in fide, nō in speciē. 2. Cor.
5. Spe saluus est. Rom. 8. Et ex gratia. Ephe.
2. Habet bonam conscientia erga omnes sem-

B. c.

per

per honeste cupiens conuersari. Heb. 13. Obedi-
dit uerbo dei in iustitia Rom 6. id est, Chris-
sto, qui omnibus obedientibus sibi, factus est
causa salutis eterne. Heb. cap. 5. Non peccat.
1. Ioan. cap. 2. Præbet membra sua arma iusti-
tiæ deo, in sanctificationem. Rom. cap. 6. 1. Ioan.
3. capite. Omnis qui natus est ex deo, pec-
catum non committit, quoniam semen ipsius
in eo manet. 1. Ioan. 5. Qui natus est ex deo,
seruat semetipsum, & malus ille non tæget eum.

Ideo, iustus est nouus homo, quatenus no-
uus homo fidelis & in Christo est. Roman. 8.
Peccator est, & iniustus, quatenus uetus est
& carneus, quia in carne non habitat bonum.
Rom. 7. sed non imputatur peccatum, corpus
enim mortuum est propter peccatum, spiri-
tus autem uita est, propter iustitiam, ut Paulus
Rom 8. capite dicit.

Curandum est autem, ut maneat in fide
stabilis & fundatus, neque dimoueatur a spe
Euangelij. Colos. 2. seruandum initium substā-
tiæ Christi, ad finem usque. Heb. 3. Quam autē
pœnam expectent qui a uerbo excidunt, post-
quam illuminati fuerint. Heb. 6. scriptum est.

Reportat autem finem fidei suæ, salutem
animæ. 2. Petri. 1. & uitam eternam, ex dono
dei. Rō. 6. per Iesum Christum, qui est pax nostra.
Ephe. 2. & cōciliavit & pacificauit. Col. 2.

Mile

IOANNIS D.
MILES est, Militans bonam militiam. 1.
Timot. 1. Fert afflictiones, ut bonus miles Chri-
sti. 2. Timot. 2. Arma iustitiæ, a dextris & a si-
nistris. 2. Corint. 6. Iterum de armis. 2. Cor. 10
& 12. 1. Tes. 5. tota armatura Dei indutus.
Eph 6. aduersario obambulant, & tanquam
leoni rugienti, id est, Diabolo solida fide re-
sistit. 1. Petri. 5.

Huc adde omnes locos scripturæ, de feren-
dis patienter afflictionibus.

CVRGIT, Im stadio, respiciens ad fidei
ducem & consummatorem Iesum. Heb. 12.

FORTIS est per dominum, perque poten-
tiam roboris illius. &c.

In carne ambulantes, non secundum cars-
nem militamus. 2. Corint. capit. 10. Miro au-
tem dei concilio quoque factum est, ut cum
Diabolus primum hominem eliserit atq; uice-
cerit, homo nouus rursus triumphet in Christo
de Diabolo, uictoremq; uincat, inimicum eli-
dat & prosternat, Sathanā cū omni sua pom-
pa, regno, fastu & astu, spiritualis nequitie
prouocans subinde ad pugnam, illius impe-
rio renunciāns. &c. Subinde etiam de im-
prouiso incurstantem, armatura dei debellans
& exarmans, idque per Iesum Christum, in
laudem gloriæ gratiæ dei.

Qua

QUALIS SIT INTERIM VE-
tustas reliqua.

DVM uero crescit & adolescit in unitatē
fidei, & cognitionis filij Dei in uirum perfec-
tum, in mensuram ætatis plenæ adultæ Chris-
ti. Ephe cap. 4. Nouus homo manet nihil os-
minus caro, remanetq; lex membrorum, affe-
ctus uetustatis, concupiscentia, sensuū officia
& instrumenta, Anima etiam & cor carne-
um, prædictis seruit, & quæ sua sunt, quate-
nus per spiritum succrescentem licet, suppedi-
tat. Hinc adhuc malæ cogitationes, carnales cō-
cupiscētiæ, quæ militant aduersus animam. 1.
Pet. 2. Gal 5. Caro concupiscit aduersus spiri-
tum. & cæt. hæc autem mutuo inter se aduer-
santur. & cæt. Hinc frequentes pugnae & Mo-
nomachia, suggerēte nōnihil carni suarum ne-
quitiarum, aduersario diabolo. & c. Hinc in-
testina bella. hinc sæpe succumbit nouitas, &
uincit uetustas. Nunquam autem Nouus ho-
mo, etiam uictus, a Christo deseritur, nisi ipse
Christum deserat: prostratus resurgit, uictus
uincit copijs reparatis, atq; sub Christo, non
solum in medijs malis & hostibus, sed etiam
in medijs peccatis, intus iustus, sanctus, & di-
lectus est. 1. Ioan. 2. Si quis peccauerit, aduo-
catum habemus apud patrem, & cætera. qui
est pro pitatio pro peccatis nostris. & c. Tit. 2

IOANNIS D.
Dedit semetipsum pro nobis, ut redimeret
nos. & c. Et. 3. Secundum suam misericordis
am saluos nos fecit. & c. 1. Ioan. 4. Ipse di
lexit nos, & misit filium suum propitiationē
pro peccatis nostris. Et cap. 3. Ille animam su
am pro nobis posuit.

Ante Noui Hominis incunabula ac partum
succreuit uetus homo in mensuram carnis, ple
nam aetatem & iustam staturam. Nouusq; uix
interim reptat, aut pedibus incedit rectis, quā
do iam uetus plenum robur accepit. Cumq;
nouus ueteris hominis cogitationes, facta, co
natus, studia, sapientiam, irritare nititur, &
spiritu ambulare, opera carnis detestari, uo
luntatem domini sectari studet, saepe suo cona
tu & cepto frustratur, legeq; peccati captiua
tur. Et dum consentit legi dei inuenit aliam
legem in membris suis, repugnantem legi Dei
Romanorum. 7.

Abducitur igitur per inania, & totum mū
dum saepe puer, ac ea quae carnis sunt cogitat
& sapit, donec tota concupiscentia (si non ali
as, saltem per mortem exarmetur) & auxilia
ribus copijs spiritus superetur. 1.

Ad postremum itaq; postquam in testa car
nis creuit nouus pullus, magnae illius gallinae,
iusto tempore cōcussa testa, egreditur, testaq;
perfuncta, & in terram coniecta, gallina
pullum

pullum sub alas colligit, derelinquit inquam,
tabernaculum suum tandem terreum spiritus,
et peregrinatur a corpore, abiens ad deum,
2. Corint. 5. unde obdormit in domino Chri-
stianus. et cetera.

Vas quoque futile, in quo tantus thesau-
rus. 2. Corint. 4. in terra e qua factum est, redit,
thesaurus uero in coelum, unde allatus est, reci-
pitur. Dumque caro in domino moritur, quæ
in domino, et domino uixerat, spiritus ad
Christum assumitur et auolat. Actor. 7. Do-
mine Iesu, suscipe spiritum meum, ait Stephanus.

Mors piorum, dormitio et resuscitatio
cum fratribus suis in die nouissimo, huc redi-
gantur, simulque iudex et iudicium, in quo
oportet nos omnes astare ad tribunal Christi.
et c. Vt. 2. Corint. cap. 5. Item in priori ad
Corint. cap. 6. Et nos suscitabit per potentiam
suam. 1. Corint. 15. Item, in secundo ad Corin-
thios epistola, capite. 4. et 5.

I. PETRI .III.

SATIS fit igitur nobis, quod antea clouite
tempore, uoluntate Gentium patrauerimus, uersa-
ti que simus in lasciuijs, uinolentijs, copotationi-
bus, comessationibus et nefarijs simulacro-

rum

IOANNIS D
rum cultibus, deinceps non in cōcupiscentiis
hominum, sed uoluntati dei, quod superest
tempus in carne uiuamus, ut tandem ad resur
rectionem mortuorum pertingamus, Per Ies
sum Christum dominum nostrum.

Cui cum patre et spiri
tu sancto, sit eter
na gloria.
Amen.

PER DONATVM
Cor.

5023